



BRIFF

Ymgynghorydd Cynllun Gweithgareddau

Rhanbarth: Cymru

Math o Swydd: Contract

Ffi: £20,000 gan gynnwys yr holl dreuliau ond heb gynnwys TAW

Lleoliad: Gregynog, Powys, Cymru, SY16 3PL

Amserlen: Mawrth 2026 – Mawrth 2027

Mae Plas Gregynog yn dymuno penodi Ymgynghorydd Cynllun Gweithgareddau i ddatblygu Cynllun Gweithgareddau i gefnogi prosiect *Codi'r To!* a gefnogir gan Gronfa Dreftadaeth y Loteri Genedlaethol.

<https://gregynog.org>

Dyddiad Cau ar gyfer ceisiadau: 1200 prynhawn, 26 Mawrth 2026

Dyddiad arfaethedig y cyfweiliad ar-lein : 31 Mawrth/ 1 Ebrill 2026

Cynnwys

1.0 Cefndir	t 2
2.0 Prosiect	t 3
3.0 Cwmpas y gwasanaethau	tt 4-5
4.0 Amodau'r penodiad	t 6
5.0 Profiad, gwybodaeth a sgiliau	t 7
6.0 Amserlen	t 8
7.0 Proses ymgeisio	t 9
8. Meini prawf asesu	tt 10-11

1.0 Cefndir

Ynglŷn ag Ymddiriedolaeth Gregynog

Cafodd Ymddiriedolaeth Gregynog ei hymgorffori ar 15 Tachwedd 2016 fel Cwmni Cyfyngedig Preifat Rhif 10479711 a rhoddwyd Statws Elusennol iddi gan y Comisiwn Elusennau ar 30 Tachwedd 2018 - Rhif Elusen gofrestredig 1180943.

Er bod Gwasg Gain (Fine Press) Gregynog wedi'i lleoli yng Ngregynog, mae'n Gwmni Cyfyngedig ar wahân ar hyn o bryd. Mae Ymddiriedolaeth Gregynog mewn trafodaethau i gymryd perchnogaeth lawn ohoni yn 2026. Mae Gŵyl Gerdd Gregynog yn gwmni cyfyngedig ar wahân ac nid yw'n rhan o'r Ymddiriedolaeth.

Ynglŷn â Gregynog

Ystâd 750-erw yw Gregynog, sy'n cynnwys y Plas rhestredig Gradd II*, strwythurau concrit cynnar a gerddi wedi'u tirwedu gan William Emes ac yn ddiweddarach y Fonesig Sylvia Crowe, ynghyd â Safle mawr o Ddiddordeb Gwyddonol Arbennig (SoDdGA), gwarchodfa natur ddynodedig ac arboretwm, cronfa ddŵr Gwgia, llyn, ffermdir ac adeiladau. Mae hen goetiroedd derw mes di-goes Gregynog yn rhan o Goedwig Genedlaethol Cymru.

Mae hanes Gregynog yn ymestyn yn ôl ganrifoedd ac efallai ei fod yn fwyaf adnabyddus am ei drigolion yn yr 20fed Ganrif, sef y chwiorydd Gwendoline a Margaret Davies. Chwaraeodd y ddwy fenyw ddyngarol nodedig hyn, a oedd yn entrepreneuriaid cymdeithasol ac yn gasglwyr celf enwog, ran hanfodol yn hanes diwylliannol, addysgol a chymdeithasol Cymru gan ymgartrefu yng Ngregynog.

Mae Ymddiriedolaeth Gregynog wedi ymrwymo i ofalu am y tŷ hanesyddol pwysig hwn a'r ystâd weithio y saif ynddo, gan adnewyddu adnewyddu a gwella'r cyfan. Hyd yma rydym wedi codi oddeutu £800,000 i gyfrannu at ein gwaith cadwraeth natur, adnewyddu ein Gardd Furiog a chreu mynediad i'n gerddi hanesyddol. Mae'r Ymddiriedolaeth wedi dechrau gweithio ar gyfnod datblygu ei hymgyrch *Codi'r To!* gwerth £5 miliwn a gefnogir gan y Gronfa Treftadaeth – a fydd yn gam mawr ymlaen wrth drawsnewid y Plasty a'r casgliadau celfyddyd gain a chymhwysol arbennig sydd ynddo.

Rydym yn croesawu ymwelwyr i gynnal a chreu cynadleddau a thrafodaethau ysgogol, datblygu gweithgareddau newydd a mwynhau amgylchedd adferol. Rydym yn gwerthfawrogi ein hanes ac yn ysbryd y weledigaeth a arddelid gan ei gyn-berchnogion, bydd Gregynog yn parhau i chwarae

rhan bwysig wrth galon Cymru a bywyd economaidd, cymdeithasol a diwylliannol ehangach ein gwlad ar gyfer cenedlaethau'r dyfodol. Bydd ein gofal am Gregynog a'n gwaith adnewyddu yn rhannu ei hud ac yn creu cartref mwyaf croesawgar Cymru ar gyfer natur, dysgu a'r celfyddydau.

2.0 Prosiect Codi'r To!

Prosiect cyfalaf o gwerth ~£5 miliwn yw Codi'r To! Mae'r rhaglen gwaith cyfalaf yn canolbwyntio ar atgyweirio brys a hanfodol ar do Plas Gregynog, sy'n agosáu at ddiwedd ei oes ddefnyddiol. Bydd gwaith cysylltiedig yn atgyweirio neu'n disodli nwyddau dŵr glaw, ffasgiâu ac estyll talcen, ac yn ymgymryd â gwaith hanfodol ar y ddaear i wella draeniad. Mae'r prosiect hefyd yn cynnig y cyfle i addasu'r adeilad ar gyfer newid hinsawdd a gwella'r seilwaith hygyrchedd. Atgyweirio'r to yw'r cam cyntaf wrth Adfer y Plas, gan sicrhau'r lle hudolus hwn ar gyfer cenedlaethau'r dyfodol a datgloi ei botensial ehangach.

Ochr yn ochr â'r gwaith cyfalaf, mae'r prosiect yn gwahodd pobl i ymgysylltu â stori nodedig y Chwirydd Davies yn eu hen gartref, trwy eu casgliadau, ac o fewn amgylchoedd naturiol rhagorol Gregynog. Bydd y prosiect ehangach yn ymgymryd â gwaith i ddatblygu'r sefydliad er mwyn cefnogi cynaliadwyedd hirdymor yr Ymddiriedolaeth; sefydlu ac adfywio rhaglen gerddoriaeth a gwyliau, a chynnal cyfres o ddigwyddiadau bywiog ym meysydd y celfyddydau a byd natur; creu a chryfhau partneriaethau â sefydliadau cydlynol a'r gymuned leol; datblygu strategaeth ddehongli ar gyfer yr ystâd; a datblygu a chyflwyno rhaglen wirfoddoli i gefnogi cynaliadwyedd yr Ymddiriedolaeth.

Mae cyllid wedi'i sicrhau gan Gronfa Dreftadaeth y Loteri Genedlaethol, Cronfa Dreftadaeth Bensaernïol, Ymddiriedolaeth y Pererin a'r Gymdeithas Tai Hanesyddol i gefnogi Cyfnod Datblygu'r prosiect gwerth £961,591 ac rydym bellach wrthi'n adeiladu ein tîm prosiect.

Pensaer ac Arweinydd Tîm Dylunio Buttress <https://buttreess.net/>

Rheoli Prosiectau Lode Heritage <https://www.lodeheritage.com/>

Rydym wrthi'n hysbysebu am Ymgynghorydd Cynllun Gweithgareddau, Cynlluniwr Busnes, Ymgynghorydd Gwerthuso, Ymgynghorydd Codi Arian ac Ymgynghorydd Dehongli.

Mae'r Ymddiriedolaeth yn croesawu cynigion gan ymgynghorwyr sy'n dymuno cyflawni mwy nag un o'r briffiau a hysbysebir; fodd bynnag, rhaid cyflwyno ceisiadau ar gyfer pob tendr ar wahân, a dylai ymgeiswyr ddatgan yn glir pa briffiau eraill maent yn ymgeisio ar eu cyfer.

3.0 Cwmpas y gwasanaethau

Bydd yr Ymgynghorydd Cynllun Gweithgareddau yn adrodd i Grŵp Llywio Prosiect Ymddiriedolaeth Gregynog drwy'r Rheolwr Prosiect, gan weithio'n agos â thîm y prosiect, staff a gwirfoddolwyr Ymddiriedolaeth Gregynog yn y meysydd canlynol:

- Gweithio ochr yn ochr ag Ymddiriedolaeth Gregynog a'i phartneriaid i ddatblygu Cynllun Gweithgareddau i'w gyflwyno gyda'r cais Cyfnod Cyflwyno
- Sicrhau dealltwriaeth fanwl o weithgareddau cyfredol a chynulleidfaoedd yr Ymddiriedolaeth, a'r hyn yr ydym eisoes wedi'i ddysgu o brosiectau parhaus fel y prosiect Rhwydweithiau Natur
- Rhoi dealltwriaeth o gynulleidfaoedd y presennol ar waith wrth ddefnyddio dull arbrofol o nodi bylchau a chyfleoedd ar gyfer ymgysylltu yng Ngregynog a rhoi prawf ar syniadau a fformatau newydd
- Dylunio, peilota a rhoi prawf ar ystod o weithgareddau yn ystod y Cyfnod Datblygu
- Gweithio'n agos gyda'r Ymgynghorydd Gwerthuso i sicrhau bod gweithgareddau'n cael eu gwerthuso'n effeithiol a bod dysgu'n cael ei bennu
- Ymgorffori canfyddiadau'r gwerthuso a'r gwersi a ddysgwyd yn y Cynllun Gweithgareddau sy'n esblygu
- Nodi bylchau, cyfleoedd a chynulleidfaoedd targed posibl ar gyfer ymgysylltu yng Ngregynog
- Datblygu syniadau am weithgareddau sy'n ymateb i dreftadaeth naturiol ac adeiledig gyfoethog Ystâd Gregynog a dehongli'r dreftadaeth honno.
- Datblygu syniadau am weithgareddau sy'n ymgysylltu â'r gymuned leol, yn meithrin partneriaethau, ac yn cryfhau perthnasoedd lleol
- Sicrhau bod cyfleoedd ymgysylltiad cymunedol yn galluogi dealltwriaeth gymunedol o brosiect Codi'r To! a'i nodau a'i ddyheadau
- Datblygu'r Cynllun Gweithgareddau yn unol â chanllawiau ac arfer gorau Cronfa Treftadaeth y Loteri Genedlaethol: [Cynllun Gweithgareddau - canllaw arfer da | Cronfa Treftadaeth y Loteri Genedlaethol](#)
- Cynnig dealltwriaeth o'r iaith Gymraeg a'r diwylliant Cymreig a sicrhau ystyriaeth briodol

yn cael ei rhoi i'r rhain, Sicrhau bod yr iaith Gymraeg ac ystyriaethau diwylliannol gweithio mewn cyd-destunau dwyieithog wedi'u hymgorffori yn y Cynllun Gweithgareddau, gan gynnwys hygyrchedd ymgynghori ar y prosiect a'r gweithgareddau arfaethedig. Mae'r gyllideb wedi'i chlustnodi yn y prosiect ar wahân i annog ymgysylltiad â siaradwyr Cymraeg.

- Cyfrannu at gyfarfodydd adolygu a ar gynnydd Cyfnod Datblygu Cronfa Dreftadaeth y Loteri Genedlaethol yn ôl y gofyn

4.0 Amodau penodi eraill

4.1 Disgwylir i'r ymgynghorydd fynychu cyfarfodydd prosiect misol (hybrid ar-lein/ar y safle)

4.2 Wrth dderbyn y comisiwn hwn, mae'r ymgynghorydd yn cytuno i drwyddedu'r hawlfraint ar yr holl ddeunyddiau a gynhyrchir i gefnogi'r prosiect i Ymddiriedolaeth Gregynog a'i phartneriaid prosiect. Bydd gan Ymddiriedolaeth Gregynog yr hawl i ddefnyddio'r deunyddiau hynny fel y gwelant yn dda a heb gyfyngiad.

4.3 Rhaid i'r holl waith a gynhyrchir gefnogi gofynion yr Elusen a'r cyllidwr. Dylid rhannu'r holl waith gyda'r partneriaid yn ôl cyfarwyddyd yr Elusen.

4.4 Disgwylir i'r Ymgynghorydd gydymffurfio â Chanllawiau Cydnabyddiaeth Cronfa Dreftadaeth y Loteri Genedlaethol [Acknowledgement Guidance](#)

4.5 Mae hwn yn gontract llawrydd; mae ymgynghorwyr yn parhau i fod yn gyfrifol am eu rhwymedigaethau treth ac yswiriant gwladol eu hunain.

4.6 Bydd y taliad mewn rhandaliadau, cytunir ar amserlen dalu wrth benodi

5.0 Profiad, gwybodaeth a sgiliau

Rydym yn chwilio am Ymgynghorwyr Cynllun Gweithgareddau sydd:

- Â phrofiad o ddatblygu a chyflwyno Cynlluniau Gweithgareddau ar gyfer prosiectau o bwys, a ariennir yn bennaf gan Gronfa Dreftadaeth y Loteri Genedlaethol
- Â phrofiad o ddatblygu a chyflwyno Cynlluniau Gweithgareddau ar gyfer prosiectau mewn lleoliad treftadaeth tebyg
- Â phrofiad o gyflwyno prosiectau yng Nghymru, gan ddangos dealltwriaeth o'n cyd-destun gweithredol, gan gynnwys gweithio mewn lleoliadau dwyieithog.
- Yn meddu ar wybodaeth am arferion gorau'r sector o ran ymgysylltiad cymunedol a datblygu cynulleidfaoedd
- Yn meddu ar sgiliau rhyngpersonol rhagorol a gallu gweithio gyda phobl o ystod eang o gefndiroedd
- Yn gallu ein helpu i ddefnyddio'r broses Cynllunio Gweithgareddau i ychwanegu momentwm ac egni at ein gwaith ymgysylltu cymunedol a'n rhaglen gyhoeddus wrth fodloni holl ofynion y cyllidwr
- Mae'r gallu i siarad ac ysgrifennu Cymraeg yn ddymunol ar gyfer y penodiad hwn er nid yn hanfodol

6.0 Amserlen

Dychwelyd tendrau:	1200 prynhawn, 26 Mawrth 2026
Cyfweliadau (ar-lein):	31 Mawrth/ 1 Ebrill 2026
Dechrau'r contract:	Mawrth 2026
Adolygiad cyfnod datblygu (rhagwelir)	Rhagfyr 2026
Cais Cyfnod Cyflenwi (rhagwelir)	Chwefror 2027
Cwblhau'r contract:	Mawrth 2027

Mae amserlenni'r prosiect yn ddangosol a gallent newid yn ystod Cyfnod Datblygu'r prosiect.

7.0 Y Broses Ymgeisio

7.1 Ar gyfer unrhyw ymholiad ac i ymateb i'r tendr cysylltwch

â: Dale Copley, Rheolwr Prosiect

hello@lodeheritage.com

07841870445

Mae angen y wybodaeth ganlynol fel rhan o'r cyflwyniad:

- Manylion llawn y cyflenwr gan gynnwys manylion yr yswiriant atebolrwydd cyhoeddus, atebolrwydd cyflogwyr ac yswiriant indemniad proffesiynol.
- Methodoleg gryno (cyfanswm o ddim mwy na 2 ochr o A4) yn disgrifio dull yr ymgynghorydd o ymdrin â'r comisiwn.
- Ffi ar gyfer y gwaith, gan gynnwys dadansoddiad cost o'r ffioedd a'r dyraniad amser ar gyfer pob aelod o'r tîm a'r dyddiau gwaith disgwyledig. Dylai'r ffi gynnwys treuliau a nodi'n glir a oes TAW yn daladwy.
- Amserlen o'r gyfraddau/cyfraddau fesul dydd a fyddai'n berthnasol pe bai gwaith ychwanegol yn cael ei gyfarwyddo y tu hwnt i gwmpas y briff hwn
- CVs aelodau staff allweddol a fydd yn gweithio ar y prosiect
- Enghreifftiau o 3 phrosiect tebyg a gyflawnwyd yn ystod y pum mlynedd diwetha
- Dau eirida

7.2 Mae Ymddiriedolaeth Gregynog yn cadw'r hawl i gynnal cyfweiliadau a/neu gyfarfodydd egluro gyda rhai o'r ymgynghorwyr tendro, neu bob un ohonynt, os ystyrir bod angen gwneud hynny. Gellir cymedroli'r asesiad yn seiliedig ar gyfarfodydd egluro, os oes angen.

7.3 Gellir codi ymholiadau eglurhad hefyd ar y sail uchod.

8. Meini Prawf Asesu

8.1 Bydd y cyflwyniadau a dderbynnir yn cael eu hasesu ar sail ansawdd/pris fel y disgrifir isod:

Ansawdd (pwysoliad 70%): Pris (pwysoliad 30%)

Mein prawf asesu

Methodoleg arfaethedig yn cyfarfod â chwmpas y gwasanaethau ac yn dangos ymwybyddiaeth o gyd-destun gweithredol, gan gynnwys gweithio gyda'r iaith Gymraeg ac mewn sefyllfaoedd dwyieithog. Methodoleg a dull o ymdrin â'r comisiwn (uchafswm 2 ochr)	30%
Mae gan yr ymgynghoriaeth brofiad o ddatblygu a chyflawni Cynlluniau Gweithgareddau a ariennir gan Gronfa Dreftadaeth y Loteri Genedlaethol, mewn lleoliadau treftadaeth ac ar gyfer prosiectau o gwmpas a maint tebyg. Enghreifftiau o 3 phrosiect cymharol a gynhaliwyd yn ystod y 5 mlynedd diwethaf a geiradon.	15%
Mae gan aelodau arfaethedig y tîm brofiad o ddatblygu a chyflawni Cynlluniau Gweithgareddau ar gyfer prosiectau y mae Cronfa Treftadaeth y Loteri Genedlaethol yn eu hariannu, ac o weithio gyda chleientiaid tebyg. CVs	15%
Gwerth am arian Ffi a gynigir	10%

ANNIGONOL	Yn methu'n llwyr â bodloni'r safonau gofynnol, neu nid yw'n darparu cynnig.	0
GWAEL	Mae'r cynnig yn methu'n sylweddol â bodloni'r safonau gofynnol, mae'n cynnwys diffygion sylweddol a/neu mae'n anghyson â chynigion eraill.	1
LLAI NA BODDHAOL	Mae'r cynnig yn methu â bodloni'r safonau gofynnol mewn nifer o agweddau y gellir eu hadnabod ac yn arwain y gwerthuswr i wneud rhagdybiaethau.	2

BODDHAOL	Mae'r cynnig yn bodloni'r safonau gofynnol.	3
DA	Mae'r cynnig yn bodloni'r safonau gofynnol ym mhob agwedd berthnasol ac yn dangos dealltwriaeth dda o'r gofynion.	4
RHAGOROL	Mae'r cynnig yn bodloni'r safon ofynnol ym mhob agwedd berthnasol ac yn rhagori ar rai neu bob un o'r gofynion o bwys.	5

Cost

Bydd y gost isaf yn derbyn 30%. Yna bydd cost pob cyflwyniad yn derbyn cyfran o'r 30% ar sail pro rata. Felly, os yw'r gost isaf yn £8,000 a chost arall a gyflwynir yn £12,000, bydd y dyfynbris o £8,000 yn derbyn 30% a bydd y dyfynbris o £12,000, sef 1.5 gwaith y dyfynbris isaf, yn derbyn 20% ($12,000 / 8,000 = 1.5$, $30 / 1.5 = 20$)	30%
--	-----

8.2 Mae Ymddiriedolaeth Gregynog yn cadw'r hawl i beidio â derbyn y pris isaf nac unrhyw dendr arall a dderbynnir.

DIWEDD